

興山縣志卷之十

雜志

祥異

伏勝作五行傳班孟堅而下踵其說附以各代證應爲五行志後世言祥異者昉焉夫符瑞之徵盛世不言而天災流行國家代有苟有朕兆修省補救或猶可及止也邑雖偏隅敬天勤民顧可畧乎哉

後漢

興山縣志

卷十 祥異

一

和帝永元十二年庚子夏閏四月戊辰秭歸山崩高四百餘丈崩填溪殺百餘人明年冬至蠻夷反遣使募荊州吏民萬餘人擊之後漢書五行志昭烈帝章武二年壬寅夏六月黃氣見自秭歸長十餘里廣數十丈三國志

吳

永安三年赤烏見吳志

晉

永平二年大水

宋

宣和元年旱

元

至大三年大水山崩壞民居死傷甚衆夷陵同

明

成化元年邑有虎患噬人畜甚夥

按東湖志憲宗成化初虎暴據興山爲害二十餘稔噬人畜殆盡詔革其縣

崇禎四年夏地震

興山縣志

卷十 祥異

二

國朝

順治十年老君山獨角羊見自是邑遭寇據

康熙四十三年蛟起東關外潭中壞民舍田禾

乾隆二年三月高蘭河水磨溪青山等處雨雹傷

麥其地簀葉結實芳甘可食

乾隆四年十一月乙巳夜治西南天忽開朗如晝

四十三年戊戌大旱自五月不雨至八月雨明年

饑 以上舊志

道光八年戊子八月邑東南地震

道光九年邑南十五里有星西流頭巨似車輪長
十餘丈離地數丈天鼓鳴

道光十四年饑人相食

道光十五年大饑

道光十九年縣東溪水激上數十丈

道光十九年五月日食晝晦四山雉鳴

道光二十年五月邑訛言兵至二日乃止

道光二十三年十二月晦日夜有聲如雷

道光二十八年正月邑東南天寶山雨紅雪沾衣

興山縣志

卷十 祥異

三

如血四月建陽坪地震

道光二十九年六月大雨雹傷稼

咸豐元年仙侶山崩

咸豐二年蛇見平水河形如枯樹是年大水山崩

壞民居無數

咸豐八年秋蝗西北諸山竹實如米飢民賴之

八月二十二日大水城不沒者三版

咸豐十年四月大水壞民居

同治元年冬大雪深丈三尺

二年五月邑中傳言十五日黑風至至期果然

興山縣志

卷十
祥異

四

雜志

兵事

高厓深谷之間盜賊易集其勢然也邑又介巴
巫鄖襄衝有明末葉爲羣寇有者幾三十年蹂
躪之苦未有若茲其甚者我

朝收撫遺黎勞來安集非易事矣頃粵逆煽亂
大戈所指如摧枯朽然鋌而走險伊可慮也消息未
萌是賴守土者深長思耳

後漢

興山縣志

卷十 兵事

五

建武四年彭南擊田戎大破之遂拔夷陵追至秭
歸戎亡入蜀盡獲其妻子士衆數萬人 岑彭傳

十一年宮與岑彭等破田戎於荆門別至垂鵲山

通道出秭歸

後漢書臧宮傳

建安二十四年己亥先主命宜郡太守孟達從秭
歸北攻房陵太守蒯祺爲達所害 蜀志劉封傳

蜀漢

章武元年辛丑秋七月先主忿孫權之襲關羽帥
諸軍伐吳將陸議李異劉阿等屯巫秭歸將

軍吳班馮習自巫攻破異等軍次秭歸

二年壬寅春正月先主軍駐秭歸

二月先主自秭歸率諸將進軍

六月陸議大破先主軍於猯亭先主自猯亭還秭

歸

蜀志先主傳

魏嘉平二年王昶奏孫權流放良臣嫡庶分爭可

乘釁擊之吳蜀白帝彝陵之間黔巫秭歸房陵

與新城接可襲取也魏主乃遣新城太守陳泰

襲巫秭歸房城荊州刺史王基詣夷陵

魏志王昶傳

興山縣志

卷十

兵事

六

晉

武帝泰始八年以王濬爲益州刺史濬至州大作

舟艦時作船木柶蔽江而下吳建平太守吾彥

取以白吳主曰晉必有攻吳之計宜增建平兵

以塞其衝吳主不從太康元年春晉諸道並進

伐吳

唐

乾元二年張嘉延襲破荊州節度使杜鴻漸棄城

走豐朗鄖峽歸等州官吏聞之爭竄山谷

肅宗紀

僖宗光啟元年乙巳春正月荆南將軍郭禹叛陷歸州成汭青州人爲賊帥假子更姓名爲郭禹後詣荆南節度使陳儒降署裨校久之張瓌囚儒以禹凶慄欲殺之禹結千餘人奔入峽襲歸州入之自稱刺史

唐書成汭傳

天祐三年丙寅春二月王建陷歸州

唐書昭宣帝紀

後梁

開平二年戊辰春二月蜀兵入歸州執刺史張塘

五代史梁太祖紀

興山縣志

卷十

兵事

七

乾化二年季興見梁日衰遂謀阻兵自固以兵攻

歸峽爲蜀將王宗壽所敗

十國春秋

後唐

同光三年以武信王爲西川東南行營招討使伐

蜀仍詔取夔忠萬歸峽五州爲巡屬王常欲取

三峽畏峽路招討使張武威名不敢進至是乘

唐兵勢十月統水軍上峽取施州

十國春秋

按高季興卒謚曰武信

天成三年戊子春三月西方鄴克歸州

五代史唐明宗紀

宋

乾德元年慕容延釗平高繼冲以三州十七縣來歸

劉廷讓率禁旅由歸州進討大敗蜀軍峽中郡縣悉下

高宗朝京西制置使程千秋爲桑仲所敗棄襄陽城走入蜀其後軍將王闢復叛去陷興山縣遂破歸州兵馬鈐轄田祐恭率義以木弩射之闢敗去

建炎以來繫年要錄

興山縣志

卷十 兵事

八

金

房州賊郭希犯歸州田祐恭擊郤之

宋高宗紀

秋八月朔倪文進餘黨陷歸州

寶祐六年詔馬光祖移司峽州六郡鎮撫向士壁移師詔慶士壁遂師歸州與光祖迎戰房州蒙古少郤

宋史

元

至元十二年乙亥夏四月阿爾噲雅入江陵分道遣使招諭未下州郡知歸州趙孜以城降

十四年丁丑春二月荆湖北路宣慰使達哈拔歸州山寨四十七所

至正六年二月房州賊陷歸州

夏四月四川行省平章耀珠復歸州元史順帝紀

十九年己亥秋九月朔倪文俊餘黨陷歸州

明

洪武二十四年九月徐達下江陵夷陵歸州皆降

明史太祖紀

崇禎六年賊犯歸巴夷陵等六州縣明史藁李自成傳

興山縣志

卷十 兵事

九

七年甲戌羣盜上天王掃地王一斗穀整十萬等

猝至興山民死者十之三

十二年庚辰盜魁小秦王等卒千餘騎蹂躪過半

嗣後自蜀返屠殺萬狀民保山砦間者焚掠幾

盡

十三年己卯張獻忠羅汝才既降復叛自穀城竄

興 以上舊志

張獻忠羅汝才已叛謀入秦秦兵扼之興安乃犯

興山及蜀太平遂窺大甯十二月羅汝才及惠

登相遂自興山遠安犯大甯大昌獻忠亦西至

太平 明史藁邵捷春傳

張獻忠大敗左良玉於羅漢山謀入陝崇險督國
奇及賀人龍扼之興安賊乃轉入興山太平處

秦蜀交 鄭崇儉傳

十三年春賊分爲三西則張獻忠踞楚蜀交東則
革裏眼左金王等四營豕突隨應麻黃南則曹
操過天星等十營伏漳房興遠間閏正月良玉
合諸軍擊賊於枸坪獻忠敗走二月賊據瑪瑙

興山縣志

卷十 兵事

十

山良玉分所部進道爲三已當其二秦兵當其
一鏖戰久之賊大潰獻忠妻妾被擒遁入興山
歸州山中 左良玉傳

七月監軍孔貞會等大破羅汝才於豐邑坪其黨
混世王小秦王率其下降賊魁整十萬及登相
光恩相繼降 楊嗣昌傳

左良玉及京營總兵官柳應元等大破羅汝才於

興山 綏寇紀畧

七月辛卯左良玉襲羅汝才於興山大破之癸卯

楊嗣昌再戰敗績 莊烈帝本紀

張獻忠敗於瑪瑙山竄興歸界傑隨賀人龍及副

將李國奇大敗之鹽井 高傑傳 尋自鹽井竄興

歸界諸軍憚山險圍而不攻久之獻忠自興房

走白羊山而西與羅汝才合 左良玉傳 獻忠率

千餘騎竄興歸山中勢大窮蹙初良玉與嗣昌

議不合獻忠遣間說良玉良玉乃圍而不攻獻

忠得與山民市鹽芻米酪收潰散掩旗息鼓西

走白羊山 張獻忠傳

興山縣志 卷十 兵事 十一

十四年正月嗣昌知賊必出川統舟師下雲陽檄

諸軍陸行追賊人龍軍已大譟西歸所恃止猛

如虎比與賊戰黃陵城大敗將士死亡過半如

虎突圍免賊遂下夔門抵興山攻當陽犯荆門

楊嗣昌傳 二月張獻忠自蜀來攻知縣劉定國

典史張達死之都司張日耀戰歿 明史忠義傳

十七年老回回屯彝陵官軍擊敗之諸縣多恢復

明紀事本末

國朝

順治三年丙戌巨寇李赤心高必正李來亨由興

山沿途殺掠入蜀

舊志

十年癸巳李來亨率衆復至盤踞縣境

舊志

十八年郝搖旂李來亨二虎宗弟等竄踞山寨李

國英議以荊州宜昌兵勦遠安興山巴東歸州

之賊

李國英傳

康熙二年湖廣提督董學禮疏奉 命會勦湖廣

山西巨寇李來亨馬騰雲党守素等隨同總兵

穆生輝于大海高守貴鑿山開道追至李家店

興山縣志

卷十 兵事

十二

擒僞總兵宋段斬獲無算賊焚巢遁又別將恢

復歸州巴東巫山等處 四月提督董學禮報

同谷鎮破李來亨於長坪 八月以流賊餘孽

郝搖旂劉體純李來亨竄伏鄖襄山中命都統

穆里瑪爲靖西將軍都統圖海爲定西將軍同

都統宗室穆琛護軍統領孫達里都統覺羅巴

爾布護軍統領科爾昆率大兵征勦

三年八月湖廣督張長庚疏李來亨擁衆茅麓山

最爲險峻靖西將軍穆里瑪定西將軍圖海等

率旅與三省兵合勦晝夜環攻李來亨窮迫遂

自縊舉火焚巢餘黨蕩平

東華錄

十二年甲寅吳逆三桂僞將王鳳岐統衆突至竊

據五六載荼毒生靈無算

舊志

十三年吳三桂僞將孫佳駐巴東令民運米至興山之黃連坪

十四年十一月貝勒察尼敗三桂之衆於興山復

其城

東華錄

十八年己未賊黨自夷陵竄興僞帥七人衆數萬

興山縣志

卷十 兵事

十三

分守險隘參軍某游擊于騰雲擊之於青林埡

賊敗走鳳岐死餘奔蜀中

舊志

嘉慶二年川匪竄縣境先是湖南苗疆長陽黃柏

山連年滋事調駐興營兵往勦存城者無幾至

是聞警邑令王恕招集鄉勇赴縣西之南埡昉

堵七月卡破賊陷縣城旋由北鄉竄陝西

三年三月賊目張漢朝擁衆數萬由川竄踞縣五

日擄殺甚衆復由房保竄陝

四年四月賊高三馬五自川竄縣因縣境凋敝民

皆寨居由縣南建陽峽入東湖

八月初五日教匪由保康之歇馬河闌入縣境一路燒殺竄至歸州

五年正月羅半年擁賊數萬盤踞縣境六月總兵吉林泰參贊德楞泰率隊追勦賊竄襄樊此後賊目戚二寡婦王三槐樊人杰荀文明等不時搜入深山窮谷無不擾及六年參贊德楞額駐兵豐邑坪分路搜勦八年春始靖

按戚二寡婦疑即齊王氏之訛

興山縣志

卷十 兵事

十四

附嘉慶川湖陝靖寇記

節錄

元年正月襄鄖施宜荆門各山賊起 七月姚齊二賊乘間陷興山旋由興山趨襄陽 九月由川還楚焚掠十八州縣

四年四月明亮使孫清元擊樊賊於興山
五年二月官軍數路勦徐苟等賊於興房間殲賊首張允壽時德楞泰統出興山之東與長齡夾攻賊竄長坊河西北老箐荒僻淤沮二百餘里無人迹德楞泰使竹山鄉勇執參贊旗幟入山

躡追 九月高天升千餘賊由興山直奔荆宜
六年二月德楞泰令鄉勇數百多張幟聲言大兵
追躡而自帥將士輕騎倍道邀賊東湖之霧露
河賊折回興山沿途逃散餘賊不及三千而巴
東賊蒲景等突渡霧露河德楞泰追破之於興
山又與長齡賽冲阿移勦蒲天寶於興山詔以
德楞泰旬日連殄三寇晉封三等侯 六月蒲
景等糾各敗賊奪據興房交界之鮑家山德楞
泰置大營東北以綴其前又令守隘鄉勇多張

興山縣志

卷十

兵事

十五

幟聲礮爲疑兵賊莫測所以忽一日黎明寨內
殺聲四起擠崖隕壑無算蓋色爾滾蒲尙佐以
精兵千開箐取道繞出賊巢之上餘賊七八百
盡竄老林獲蒲天寶屍於崖樹 十月德楞泰
遣蒲向佐富增德殲戴仕傑於興山

八年三月興邑之賊不過三百德楞泰乃奏將各
路分捕之兵再多分路裹糧五日合哨排搜令

其具結保無遺匪

聖武記

咸豐七年正月襄匪自鄖保入犯踞城三日焚公

廨略盡旋由邑東竄東湖外委高國勳要擊於霧渡河戰不利死之

同治元年十一月川匪陷房縣二年郡守唐協和率師赴邑屬之界牌埡防堵賊不敢犯

雜志

遺聞

班孟堅云閭里小知之所及亦使綴而不忘斯言竊謂得之邑屬偏隅傳述無多其可紀載皆以類附然或說近荒誕而相沿既久事關興要而比屬無從固搜奇嗜古者所不廢已爰即耳目所識收而錄於篇旁及稗官野史以備全篇所未及

屈景昭皆楚之族王逸云楚王始都楚生子曰瑕

興山縣志

卷十

遺聞

十七

受屈爲卿因以爲氏

見楚辭注

屈原以五月望日赴汨羅江土人追至洞庭不見湖大船小莫能濟者乃歌曰何由得渡湖因爾鼓櫂爭歸競會亭上習以相傳爲競渡之戲迅楫齊馳櫂歌亂響喧震水陸觀者如雲諸郡率然而南郡尤盛俗云以此厭勝用致豐穰

隋書

仲雍荊州記曰秭歸縣有屈原宅伍子胥廟擣衣

石猶存

太平御覽

盛宏之荊州記曰秭歸縣西有楊城周迴十餘里

卽熊鬻所居 太平御覽

元帝后宫既多使畫工圖形按圖召幸宮人皆賂畫工昭君不與乃惡圖之後匈奴求美入爲閼氏以昭君行及召見爲後宮第一畫工毛延壽

棄市 西京雜記

女嬃舊云屈原之姊水經云原有賢姊聞原放遂來歸諭令自寬今以鯀爲比非知原者非原姊明矣集解云嬃者賤妾之稱比黨人也嬋媛妖態也賈逵離騷章句楚人謂女曰嬃 離騷經淪注

興山縣志 卷十 遺聞 十八

昭君村人生女無美惡皆灸其面 聞見後錄

王蜀時夔州大昌鹽井水中徃徃有龍或黃或白鱗鬣光明攪之不動咀味而已彼人不以爲異近者秭歸水濟井鹵漕亦有龍蟠與大昌無異

十國春秋

工部懷古詩羣山萬壑赴荆門生長明妃尙有村一聯前人未經詳註或謂荆門卽今之荆門州但州去秭歸三百餘里於義未合高明府于役巴東曾過其地在歸州東北四十里有山名荆

門羣峯聳峙惟此山低且中凹類蜂腰山下有
村名香溪當年產明妃處也韓文杜詩無一字
無來歷信哉

秋燈叢話

漢書竟陵元年呼韓邪來朝言願壻漢氏元帝以
後宮良家子王昭君字嬀配之生一子株累立
復妻之生二女至范蔚宗書始言入宮久不見
御積怨困掖庭令請行單于臨辭大會昭君豐
容靚飾顧影徘徊竦動左右帝驚悔欲留而重
失信夷狄然蔚宗不言呼韓邪願壻而言四五

興山縣志

卷十

遺聞

十九

宮女又言字昭君生二子與前書皆不合其言
不願妻其子而昭使從胡俗此是烏孫公主非
昭君也西京雜記又言元帝使畫工圖宮人宮
人皆賂畫工而昭君獨不賂乃惡圖之既行遂
按誅毛延壽琴操又言本齊國王穰女端正閑
麗未嘗窺看門戶穰以其有異人求之不與年
十七進之帝以地遠不幸欲賜單于美人嬀對
使者越席請往後不願妻其子吞藥而卒蓋其
事雜出無所考正自信史尙不同况傳記乎要

之琴操最牴牾矣按昭君南郡人今姊歸縣有昭君村村人生女必灼艾炙其面慮其色選故也昭君卒葬匈奴謂之青冢晉以文王諱昭故號明妃云

陵陽集

昭君至匈奴爲書報帝云臣妾幸得備禁鑾謂身依日月死有餘芳而失意丹青遠竄異域誠得捐生報主何敢自憐獨惜國家黜陟移于賤工南望漢關徒增愴結耳有父有弟惟陛下幸少憐之帝迴思昭君不置爲誅畫工毛延壽等

興山縣志

卷十 遺聞

二十

昭君請掖廷令求行非輕去鄉也惜其名之不傳面目之不經見於天下也王荆公曰自是如花畫不成當時枉殺毛延壽長卿氏曰方昭君之行豐容靚飾光動左右此卽昭君圖也戎服乘馬提一琵琶出塞而去又卽昭君圖也延壽豈能圖昭君哉余謂能圖昭君使得進御不過玉簾匡牀一番恩寵而已豈若青塚黃昏令騷客情人憑弔於無窮也昭君有子曰世達單于死世達繼立胡法父死則妻其母昭君問世達汝

爲漢爲胡世達願爲胡昭君乃吞藥自殺胡地
草皆白惟昭君墓草獨青然則昭君又單于之
貞婦矣貞於漢不得而貞於胡究終心未嘗忘
漢既死而以青塚自旌乃謗者曰漢恩自淺胡
自深豈不冤哉

情史

昔有數人入仙侶山採藥愛其竹樹葱蒨留居數

載一日相挈出摘蘭葉化舟泛溪水而去

舊荆志

明萬歷間劉侍郎楚撰曠令驥祠碑云天順景泰
時興山殘黎不滿數百棲木巢石穴疲敝蕭條

興山縣志

卷十 遺聞

二十一

日將午不見烟火而邑治廢

有明崇禎以後宏光繼統未幾而隆武復立二年
有餘永歷嗣位十有餘年爲平西王吳三桂所
滅有明一綫之系遂絕矣興邑爲逆賊李來亨
所踞康熙三年勦平後始設縣令則知以前未
隸國朝也明矣李賊盤踞之時闖逆已死從
黨奔潰李賊獨力難支遂歸順永歷遙授以國
公之職常有奏章批答故邑止有隆武永歷約
據並無順治年號至康熙十二年三桂叛亂又

陷於賊僭國號曰周故又有周一年周二年之
庫券約據至十八年始奉正朔

國朝康熙初 大兵臨境邑人李月明黃一新金宸
儀金士鑑田橫欽毛啟龍金宸助等伏

闕陳情其略曰明失其政闖賊猖獗我

太祖高皇帝應天順人比堯舜而有武功視湯武而無

慚德

皇上妙齡嗣祚令德乾行薄海內外悉主悉臣猶隆
茲餘孽李來亨郝永忠等匪度匪茹負固西山

興山縣志

卷十 遺聞

二十二

臣等不辰遭罹荼毒久矣每望進勦猶如飢渴
皇上憫及殘黎於元年遣將出師掃蕩羣醜天戈西
指百姓歸徃恐後臣等望風獻款有提督臣董
賞給告示可據詎總兵于大海副將陳啟棟陳
友益守備金希聖冉希堯把總左思富胡啟富
代俸楊光耀張可星劉士貴金鳳臣趙長嘉董
三重等方 命虐民征討略無寸功害民不遺
餘力卽罄南山之竹難寫其罪姑就一二事言
之諭投誠百姓餽餉軍糧將男子充賊冒功婦

女留營娛樂或送各家爲使或拆散發賣如金
宸祚投誠生員也謀其妻而殺其夫夫亡而妻
以節死舒鯤靈投誠貢生也圖其妹而滅其族
族滅而妹亦死不旬日間肆行淫毒斃十二歲
幼女五口致軍中有花花都督之謠噫當枕戈
待旦之時戀房幃牀第之樂婦人在軍兵氣不
揚宜乎七月十三日失機大敗也賴 天威震
赫整旅復進將軍臣穆立馬張示安撫寥寥子
遺欣然相告以爲復覩天日扶老攜幼暫奔荆

襄生活慘遭大海啟棟等各處截掠男子誅戮
婦女奴隸嗟嗟以數年憔悴之遺氓傾心向化
之赤子實望共樂昇平豈知父子東西夫妻南
北自穀城至興千餘里哭聲不絕民也何辜遭
此罪苦夫百姓從賊豈本心哉合興山歸州民
不滿二萬戶敢與賊交鋒乎且以

朝廷之大提十萬師更賴將軍滿師三千征之乃克
若以二萬不教之民抗拒羣賊是猶驅羊鬪虎
矣勢迫力脅不言可知况逆賊殘暴過於猛虎

皇上寬政簡刑視民如傷民雖無知孰不思棄暴歸
仁哉柰賊防四布不能偷越而于大海等往來
劫掠楊光耀專事殺戮茅坪一夜屠男子數千
李應龍持籌布算仙桃鎮一行販婦女近萬雖
然此輩不過追逐兔鹿之徒耳其發縱指使者
于大海及二陳也昔江南凱旋戒人妄殺荊州
克復取笠見誅今于大海上負
朝廷弔民伐罪之意下辜小民僉蘇恐後之望真
皇之上罪人也竊見

興山縣志

卷十

遺聞

二十四

聖神在上俯念民瘼政成年豐普天同慶嗟夫尺地
莫非王土一民莫非王臣夫何使我至於此極
也民莫不逸臣獨居憂實命然耶抑于大海使
之然耶雖興山知縣胥遇日擊慘苦申詳督撫
臣定奪督撫臣屢行戒勉柰陳啟棟等褻如充
耳臣等無所控告是以叩 闕請命伏願
皇上痾瘵在抱愷惻爲懷深宮夙夜如聞啼泣之聲
官吏奉行永無羈留之患追給復業開墾納糧
庶臣草莽得沾雨露不勝泣血待命之至書上

奉

旨追給復業于大海已陞提督著革職聽勘陳啟棟
等俱革職審擬著李月明領被擄與發賣人口
回籍黃一新著刑部監禁

旨意到省撫院劉 發給牛種銀三百兩并給發回
男女衣服路費越歲黃一新回籍邑民逃往房
保者戀其地膏腴多不思歸故戶口無多附識
於此以見世變之大 以上舊志

孝子龔大惠幼失怙恃刻木肖父母像出入與俱

興山縣志

卷十

遺聞

二十五

一日曝穀田間雨驟至大惠趨負木主歸比返
則溝澮皆盈穀獨不漂嘗擬刻泰山神像而難
其材適溪水浮大木至爲邑人所獲邑宰胥夜
夢人告曰我往龔某家今被縛城隅萬乞解釋
翌晨往視則木在焉遽命斷繫奔流至大惠門
大惠拾刻神像宰親詣進香人以爲純孝所感

移園雜鈔

邑東南二十里明季有老農佚其姓名年百四十
餘令聞其異造焉其人鶴髮童顏邛以見聞但

言先人鬻田於某富室已八易主今幸贖歸又
十餘年令嘆賞而去

高家院即高雞寨舊設巡檢防守中有洗馬池俗
傳昔有高氏負嵎寨內洗馬於此故名

香溪水常清濁相間作碧膩色兩岸多香草故曰

香溪

圖經

白龍潭在縣東北舊傳龍化美男子娶某氏女儼
潭測居嘗就潭浴適女兄省妹見大蛇盤旋潭
中驚而號走水忽洶涌居宅盡沒

興山縣志

卷十 遺聞

二十六

回水沱縣東關外居民魯某屢見龍出水際巨首
曲項遂像其形爲魚龍曼衍之戲至今元夕盛
行

保坪河中沙磧濶半里許乾隆時有龍謫於此人
莫敢近一夕雷電以風及曉失所在

咸豐季有神降某家自言周姓文炳名施南人嘉
慶初勦逆匪有功授把總後隨大軍至邑屬之
耿家河遇賊戰不利死之

蟻冢在關口堦傳有過客死於此羣蟻負土成冢

至今歸然尙存

嘉慶教匪之亂天池山民家爲賊所害婦某氏有殊色賊欲污之婦詭曰吾已失所天得從爾甚願然從一而終婦人之義若任爾輩橫行吾死不爲也賊義之擁婦從一少年行數里至其巢衆遂散少年又欲污之婦曰百年歡聚始於今日合卺之禮不可廢也少年悅具餼饌飲婦侑之醉手刃之又斬其同脅者數人歸自縊死

移

園雜鈔

興山縣志

卷十

遺聞

二十七

縣北一百一十里有寄子洞俗傳昔有婦謁五當山過此產子遂棄其下比歸見野羊乳之攜而去土人於其旁立祠

乾隆時有丐者死建陽坪巖穴中居人徃瘞之見石上題詩一律云扣角無心學飯牛此身憾不謁公侯天涯漂泊憐孤客野徑蕭條對晚秋故國家山空有淚曉風殘月不勝愁於斯幸免嗟來食貴賤終歸土一坵哀音動人讀之令人悵

然憇雲山館偶鈔

常竹篔過天池山鄉人爲余言李姓者佚其名本明季宦族有遺跡尙存今楊氏所居其故宅也土人於春耕時嘗掘得圓瓦質細膩非近世物傳李氏盛時爲長渠引水於山腰流經三四里注於池中種荷芰甚夥建亭閣其上多養仙鶴作放鶴招鶴諸詩自號棲鶴僊客青谿襍紀德軍門師駐七連坪豐邑坪等處集四境農民詰以歲之所出若干告曰吾大軍駐此害爾等三時遂按其歲收盡給之故德軍所至民爭饋遺

興山縣志

卷十

遺聞

二十八

至今父老猶有豔稱其事者

雞窗紀事

昔過石鷺坪見題壁詩云小石橫巖狀若鷺底須飲啄卧荒坡塗鴉有客常題壁爲鸛何人此枕戈斯舉並無翔集處不豐其奈羽毛何黃庭換去人誰識寄跡山坳歲月多未審何人所題憩

雲山館偶鈔

邑志紀畧云漢時治秭歸三峽中易名蕭山取其近江河通商賈以利民按漢時興未立邑其指爲蕭山者不知何據聞入香溪二十里有山平

衍上有居宅陳迹其碑曰蕭山故址考各史地理志自吳永安三年後邑治屢遷如夔子城太清鎮白帝城皆在三峽不聞以蕭山名者豈未立邑之初固曰蕭山耶

青谿襍紀

青塚在殺虎口外楚五嶽遊士張開東出雁門宿廣武城夢有貂服乘輿從空而來者則昭君也遂作文購香楮果品而往祭之見塚高十丈周圍殆百丈青山黑河環帶如抱土人於七月十五牽羊豕祭塚下故無碑乃返朔平遂請晉陽

興山縣志

卷十 遺聞

二十九

方伯朱公石君爲立碑中大書漢王昭君之墓旁列官銜五且銘之云有美一人生此南國貌揚志抑懷貞履則溷淪漢宮遠投殊域君命不辱之死靡慝墓草青青想見顏色壬辰十月迺及雁門感通夢寐貂服玉環旣寤而驚載馳載奔邊風塞月在河之濬建石勒辭萬世允存五指山麓有飛來鐘按其文本四川夔州物乾隆四十七年八月寺僧夢神告曰急設虛業頃有洪鐘至矣至中秋夕忽空中作鞞鞞聲漸及山

巔明早往視則見靈官一尊高二尺執鐵鞭前
踞鐘約重五百餘斤人莫能舉至今尙存

興山縣志

卷十

遺聞

三十